

WAAPANOK KAA-PIKISACIKAATEK AHKI  
KAA-KANAWENTAAKWAK ONSHOWEWINIK

KAA-NIIPITESINAHIKAATEKIN  
IKITONAN

PAHKAANACIKEWIN

1 TIPAAANACIKEWIN  
WAAPATAHIWEWIN AAPACIHTAAWINAN

- 1 Ishinihkaacikewinan
- 2 Inanohkiiwinan
- 3 Aawecikewin
- 4 Anishinaabe otipenimitisoowinan ci-kanwencikaatenikin

2 TIPAAANACIKEWIN  
AHKI KAA-INAAPATAK ONACIKEWIN

- 5 Kaa-natawentaakwak ci-aapatak ahki
- 6 Kaa-onahtek onacikewin
- 7 Ayaakwaamiiwinan
- 8 kehkentaakocikewinan
- 9 Nahkomitowinan ishicikewinan onacikewinik
- 10 Oshicikaate onacikewin
- 11 Kiishicikaate onacikewin
- 12 Maamiinwacikewinan kaa-natawentaakwakin
- 13 Kahkina onacikewinan ci-ashitacikaatekin
- 14 Inacikewinan ci-onatekin inakonikewinik
- 15 Ci-maamiinwatekin onacikewinan
- 16 Kaa-otaapinikaatekin kaa-natwentaakwakin
- 17 Aapacihcikanan kaa-oci-pimi-anohkaatekin

3 TIPAAANACIKEWIN  
KAA-KANAWENTAAKWAKIN AHKIIN

- 18 Kaa-manacacikaatekin ahkiin
- 19 Kihkentaakocikewin kaa-natawentaakwak

4 TIPAAANACIKEWIN  
NANAATOK KEKOONAN AAPACIHTAAWINAN

- 20 Masinahotisowin
- 21 Mamaaniiwinan ekwa tipahiketinikoowinan

- 22 Ahkiiwi-onakitamaakewin
- 23 Mooshkinepiihikewin inacikewinik
- 24 Kaa-takwahkin kwayakohsewinan ekaa ci-wanaahsekin
- 25 Onacikewin nehpeminikaate
- 26 Inacikewinan
- 27 Mooshkinepiihikewin inacikewinik
- 28 C.C.S.M. kaa-ishi-kanwaapacikaatek
- 29 Ci-maatanohkiicikaatek

## ONASHOWEWIN 6

### WAAPANOK KAA-PIKISACIKAATEK AHKI EKWA KAA-KANAWENTAAKWAK ONSHOWEWINIK

( Nakomitowin June 11, 2009 )

Kihci-okimaahkwe, otishi-wiitamaakewin kaa-ishi-otapinikaatek onashowewinik  
Manitoba, inaahkonikewin ke-ishi-piminishahikaatek:

#### 1 TIPAANACIKEWIN WAAPATAHIWEWINAN AAPACIHTAAWINAN

Ishinikaacikewinan

1 Oneniwan kaa-niipitesinahikaatekin kaa-aapatakin Onashowewinok.

“Pikwatakamik” kaa-ishinikaatek Pikwatakamik ishinikaacikaate Onashowewinik.

“Pamihitisowinan” kaa-ishinikaatek Manitoba kaa-tipencikemakak ahkiik.

“East side management area” kaa-ishinikaatek ihiweti nekaapihanok inehkecam kaa-oci-  
tipentakwak Manitoba ishi-onacikewinik onashowewinik 24 (a).

“Anishinaabe” kaa-ishinikaatek ishkoniikanik kaa-oci-tipentaakosic anishinaabe amihiwe  
onashowewin (Canada).

“Anohkiiwi-onacikewin” kaa-ishinikaatek onashowewinik kaa-oci-onacikaatekin  
pikwatakamik pamihitisoowi-anohkiiwinan ihimaa kaa-ishi-masinahikaatek  
pahkepiihikanik 10 (2).

“Kihci-okimaa” kaa-ishinikaatek ami wahawe kaa-niikaaniitak ohowenini Onashowewin.

“Kaa-ishi-onacikaaniwak” kaa-ishinikaatek ahki kaa-tipaani-onacikaatek kaa-tashi-  
pamihitisoowi-anohkiiwamaasonaaniwak pahkepiihikanik 4.

“Otoonacikek” kaa-ishinikaanitwaa ikweniwak kaa-onatoowaac ahkiin nahkomitowinik  
onashowewinik kaa-inahtek kihkinawaatasinahikanik 7.

“Masinahotisowin” kaa-ishinikaatek amihiwe kaa-inacikaatek onashowewinik  
kihkinawaatasinahikewinik 18.

“Kaa-manaacikaatek ahki” amihiwe kaa-ishinikaatek tipaan kaa-onacikaatek ahki  
onashiwewinik kaa-naakatawentakwak kihkinawaatasinahikanik 16.

#### **Inanohkiiwinan**

2 Inanohkiiwinan kaa-ashitinikaatekin ohowe inakonikewinik

(a) Kaa-onacikaatekin oshki-okimaawinan ke-oci-wiitanohkiimitiwaac Waabanong inehkekaam Okimaawin Anishinaabenaak ekwa Okimaawin Waabanong Inehkekaam kaa-onahtooc inanohkiiwinan; ekwa

(b) Ci-maatanohkaatekin onentamowinan ekwa inanohkiiwinan Waabanong Inehkekaam Okimaawin Okimaakaanak Onahkomitoowiniwaak April 3, 2007, amihiwe kaa-inahtekin ineniwan kaa-piminishahikaatekin nahkomitoowinik.

Aawecikewin

3 Aawecikewin kaa-ishi-anohkiicikaatek Inashowewinik

(a) anishinaabek kaa-tashiikewaac Waapanok inehkecaam Winnipeg ci-tawinamawitwaa ahkiini ci-aapacihtoowaac ke-oci-anohkiitamaasowaac ci-wiicihitisowaac opimaacihoniwaak; ekwa tahsh

(b) ci-tipaanahtek ahki Waapanok inehkecaam Winnipig ci-oci-pi-kanawencikaatek anohkiiwinan miina piko kotakiyan ishikewinan kaa-anohkaatekin inhimaa ahkiik.

#### **Anishinaabe otipenimitisoowinan ci-kanwencikaatenikin**

**4** Ohowe inaakonikewin ekaa ihiwe ci-ishi-nisotocikaatek ci-kiiwe-otaapinikaatek anishinaabe otashotamaakewinan naanta kaye ekaa ci-wanaacikemakak kaa-ishi-anishinaabek ohomaa Caanadaa ihiwe kaa-ishi-nisitawinikaatek onakonikewinik 35 kaa-kii-ishi-onasinahikaatekipan kihci-onashowewinik, 1982.

#### **2 TIPAANACIKEWIN**

**AHKI KAA-AAPATAK KAA-OCI-NATAMINAHONAANIWAK**

**AHKIIN KAA-TIPAANATEKIN KAA-OCI-NATAMINAHONAANIWAK**

Natotamaawin kaa-onacikaatek ahki kaa-oci-nataminahonaaniwak

5(1) Aatiht iitok anishinaabek ekwa anishinaabewi-tashiikewinan ta-natotamaawak ci-miinitwaa kaa-ishi-manaacikaatek ahki ke-aapacihtoowaac ci-oci-nataminahowaac nekaapihanok inehke.

Ke-inatek natotamaawin

5(2) ci-masinahikaatek natotamaawin ci-miinaakanook kihci-okimaa ekwa kehcinaac

(a) mayaam ci-piminishahikaatek tipahaakaan kaa-ishi-tipaanahtek ahki;

b) ashic ihiwe kaa-oci-wiitamawitwaa kaa-ishi-wiichtoowaac kaanaakatawentaakwak ahki kotakiyak anshinaabek miina kotakiyan anishinaabewi-tashiweenan kewinawaa kaa-oci-aapacihtoowaac ahkini; ekwa tahsh

(c) ashic kotakiyan wiitamaakewinan naanta kaye masinahkan kaa-wiicikaatekin

inackewinik.

Tipaanacikewin Ahkiinaak

6(1) Ahpii kihci-okimaa otisikoc ahkiiwi-natotamaawin, otookimaman Lieutenant Governor oka-ishi-tawinamaakoon onashowewinik ci-tipaanahtooc ahkiini ke-oci-anohkaatek ahkiiwi-pimaacihowion. Kaa-ishi-onahtek onashiwewinik 5.

Inacikewin kaa-ishi-onatekin

6(2) Inacikewin ta-onate ke-ishinihkaatek tipaanacikewinik ahkiinaak.

Onacikewinan ahkiinaak

6(3) Ahki ta-ashitnikaate tipaanacikewinik kiishpin ehte ekaa-oci-tipentaakwak otanaak naanta kaye keciwaak okimaawinik kaa-oci-tipentaawak tashiikewinik amihimaa kaa-ishi-masinahikaatek kiiwetonok inashowewinik.

## AYAAKWAAMISIIWINAN IHIWE MEKWAAC

Inaahkonikewinan

7(1) Ahpii kiishi-onacikaatek ahki, kihci-okimaa oka-onahtoonan inaahkonikewinan ami oneniwan kaa-niipitesinahikaatekin ke-niikaanentaakwakin;

(a) onacikewinik naanta inacikewinik ahkiik ekwa ahkiinaak oci-pamihitisoowinik;

(b) ayaakwaamisiiwinik naanta kaa-ishinaakwakin kaayaapatakin ahkiwi-wiicihitisoowinan kaa-ishi-onahktekin:

(c) ayaakwaamisiiwinik naanta kaa-ishinaakwakin onacikewinik naanta ihiwe mayaam onacikewin kaa-ishi-onahtek:

(d) kaa-ishi-pimi-kiishcikaatekin onacikewinan ihimaa anohkiiwinik kaye kiishcikewinik naanta kaa-aapatak ahki kaye oci-ahkiiwi-aapacikewinan tipaanacikewinik kaye ihimaa ahkiiwi-kiishoonatamaakewinik.

Inaakonikewin ehta maatanohkiicikaate kaakiishcikaatek onacikewin

7(2) inaakonikewin kaa-kii-ishi-onacikaatek pahkepiihikanik 1 ehta ishi-maacihse;

(a) ahpii maatanohkiicikaatek ahkiiwi-onacikewin; naanta kaye

(b) kiishpin ashitahtek ociitamaakewin inaakonikewinik ihiwe inaakonikewin ci-kipicihsek maacihcikewinik kaa-kii-ishi-onacikaatekipan, ahpii mayaam ocicihsek naanta ochcihsek ihiwe onacikewin ci-maaci-anohkaatek: aaniin piko ihiwe niikaan ke-ocicihsek.

Kiishahcikewinan kaa-inahtekin inaahkonikewinik

7(3) amihiwe kaa-inahtek inaahkonikewin ihimaa pahkepiihikanik (1) kaa-maatanohkiicckaatek, aaniin piko ihiwe kiishahcikewin kotak onashowewin

onacikewinik ekwa ahkiinaak kekonan kaa-oci-aapatahkin onacikewinik naanta oshiitawinik kehcinaac ci-onahtekin inakonikewin.

## KIHKENTAAKOCIKEWIN EKWA MAAMIINWECIKEWIN

Kihkentaakohcikewinik natawentomoonan

8(1) kihci-okimaa kehcinaac ci-kihkentaakohciket

(a) amihiwe kehcin 90 mwaye-onacikewinik ihimaa ci-oci-onahtek inakonikewin kaa-ishi-pahkepiihikaatek 6, kaa-onacikaatekin tipahakaanesan onacikewinik;

(b) amihiwe kehcin 90 taso-kiishikaa kaa-mwaye-onacikaatek inakonikewin kaa-ishi-pahkepiihikaatek 7(1), ihiwe kaa-masinahikaatek inakonikewin ta-takwan ci-waapatahiwaaniwak.

Inentamoonan

8(2) mekwaac 60 kiishikaan pimihsekin ahpii kaa-ishkwaa-onahtek pahkepiihikanik (1), piko awiya oka-kii-masinahaanan otinentamoonan ci-kihkentamoonaac kihci-okimaan.

Kaa-nataweentaakwak inentamowin

8(3) mwaye-onacikaatek inakonikewin ihimaa kaa-ishi-masinahikaatek pahkepiihikanik 6 naanta 7, kihci-okimaa kehcinaac ci-tootak

(a) ci-tawinamawaac anishinaaben ahkiinaak kaa-oci-pamihitisinic ci-waapatahaac miina ci-kihkentamoonaac inakonikewin kaa-ishi-tipaanahtek ahkii kaa-oci-pimi-anohkitamaasowaac anishininiwak otahkiimiwaak.

(b) ci-tawinamawitwaa ikweniwak kaa-aapcihtoowaac ahkkini kaye kaa-aapacihtoowaac kekonan kaa-aapatahkin pamihitisoowinik ekwa tahsh ci-waapatahaac miina ci-kihkentamoonaac inakonikewinan.

## NAHKOMITOWINAN

Nahkomitowinan ishiicikewinan

9(1) kihci-okimaa okimaawinik oci, oka-tawinaan nahkomitowinan anishinaabenaak ahki kaa-aapatak kaye kaa-oci-naakacihcikaatek ahkiiwi-pimaacihowin.

Onacikewin onashowewinik

9(2) nahkomowin kaa-inahtek pahkepiihikanik (1) ociitamaakewin ta-paakitenikaate kiishicikewin onashowewininiinaak ke-oci-naakatawentaakwakin ishiicikewinan ekwa iitok oneniwan kaa-niipitesinahikaatekin ishihsewinan;

(a) oci-tipentaakosiwin onashowewininiinaak, ashic ikweniwak kaa-otahkaanesiwaac ekwa kaye ahpii kekishipihsenik otanohkiiwiniwaa masinahikewikamikok;

(b) shimaakanishak onashowewininiinaak, ashic kaa-onakimic oniikaanapiitamaakek;

(c) kaa-piminishahikaatek inakonikewin kaa-otaapinic otanohkii naant kaye kaa-wepinic ekwa kaye awiyak kaa-maatanohkiihitwaa onashowewininiinaak;

(d) kaa-kweciiwin ekwa kaa-piminishahikaatek inaakonikewin onashowewiniinaak.

#### KAA-OSHCIKAATEK INACIKEWIN

Nahkomowin ci-oshicikaatek onacikewinik

10(1) nahkomowin kaa-inahtek pahkepiihikanik 9 ta-pakitashowaate ci-onahtek ke-aapatak ahki kaye kekoonan ke-oci-aapatakin ihimaa onacikewinik ihiwe

(a) ci-otinaamaakemakak pi-mootamaakewinik, ci-aapatak ekwa ci-oci-pi-moocikemakak ahkiik kaye kekoonan ke-oci-aapatakin onacikewinik;

(b) ke-oci-kihkinawaatentaakwak onacikewinik ekwa ke-oci-kihkinawaasinaakwak kaa-inaapatak ahki kaye kekoonan kaa-oci-aapatakin ihimaa ke-tawinikaatek, kipaahkwahikewinik kaa-ishi-pikihsatekin;

(c) e-oci-tawihsek ke-oci-maamiinwacikaatekin kakweciiwinan onacikewinik; ekwa

(d) kotakiyan kekoonan kaa-oci-aanimootekin onashowewinik ineniwan onacikewin;

Kihkinoohikewinan kihci-okimmnaak oci

10(2) kaa-onashowaatamowaac ci-tawaakonikaatek ahkiiwi-onacikewin, kihci-okimaa takihkinoohike onashowewinik peshik naanta niishin kekoonan amii tahsh oneniwan kaa-niipitesinahikaatekin;

(a) ci-nannatwentaakwakin inentamoonan kaa-ishi-nantawentak kihci-okimaanaak;

(b) maawacihitoowinik ci-animootek onacikewin kaa-ishi-nantawentak kihci-okimaa;

(c) ci-piminishahak kihkonoohikewinan kihci-okimaanaak oci kaa-inahtek onacikewin;

(d) ci-ociitamawaakanooc kihci-okimaa onacikewinan kaa-natwentaakwakin;

(e) ci-piminishahak kaa-ishi-onahtek tipahikan kihc-okimaanaak ishi-kwayaatinikewinik onacikewinik ekwa ci-tawinikaatek waapatahiwewinik.

Naakatawentamoonan

10(3) onacikewi-onashowewinik ta-oci-naakatawentaakwan ahpai onahhtek onacikewin:

(a) ahkiiwi-kekoonan kaa-takwakin onacikewinik;

(b) oci-pimaacihowinik naakatawentamowinan onacikewinik;

(c) kaa-aapatak ahkii onacikewinik anishinaabenaak;

(d) otahkaanesiwinik ekwa ishihsewinik ekwa niikaanihsewinan, ashic ineniwan ayaakwaamisiwinik naakatawentaakosiwinan onacikewinik ayamihawinik kaa-inaapatakin;

- (e) kaa-ishi-naakatawentaakwakin anishinaabewi-kanawentaakosiwinan onacikewinik:
- (f) kaa-ishi-natawentaakwak oci-pimaacihowinik;
  - (i) anishinaabek kaa-inaapacihtoowaac ahkiiniwi-onacikrwinik
  - (ii) ikweniwak kotakiyak ihimaa kaa-taawaac, ekwa
  - (iii) misiwe piko ahkiik;
- (g) kaa-takwak kaa-tawinikaatek ahki kaa-oci-aapatakin kecoonan ahkiiwi-onacikewinik:
- (h) kiishpin ishi-naakwak, kaa-takwak kaa-kanawentaakwak ahkiiwi-onacikewinik;
- (i) ahki kaa-inapatak inacikewinan kaa-masinahikaaatek inakonikewinik;
- (j) kihkentamaakewin kaa-tawinikaatek onashowewinik maawacihitoowinik oci maamiinwacikewin ishi-pimoocikewi-onacikewinik.

Kaa-inahtek anishinaabewi-kihkentamowin

10(4) ahpii kaa-naakatawentaakwakin ishihsewinan kaa-inahtek pahkepiihikanik (3), onashowewinik otinikaate anishinaabewi-kihkentamowinik oneniwan ishihsewinan.

#### KAA-NAHKOCIKAATEK ANOHKIIWI-ONACIKEWIN

Kaa-pakitinikaatek natotamaawin onacikewinik kihci-okimaanaak

11(1) ahpii onashowewinik kaa-kiishi-onacikaatek miina kaa-kwayaatinikaatek anohkiiwi-onacikewin, kehcinaac ci-ishinishahikaatek natotamaawin kihci-okimaanaak.

Kihkentaakocikewin

11(2) kehcinaac 90 tahso-kiishikaa mwaye-natocikaaniwak kaa-inahtek pahkepiihikanik

12(2) nahkocikaatek natotamaawin anohkiiwi-onacikewin, kichi-okimaa

ta-natawentaakosi ci-kakihkentaakohtoc e-takwak ihiwe kaa-masinahikaatek anohkiiwi-onacikewin.

Inentamoowinan

11(3) mekwaac pimihsek 60 kiishikaaan ishkwa-kihkentaakohcikewinik kaa-inahtek

pahkepiihikanik (2), piko awiya oka-kii-masinahamawaan kihci-okimaan ci-

aanimootamawaac natotamaawin kaa-kii-pakitinikaatek.

Aatacikewinan kaa-natawentak kihci-okimaa

11(4) kihci-okimaa oka-natawentaan onashowewinik ci-maamiinwahtek anohkiiwinik

onacikewin mwaye-kiishicikaatek kaa-inahtek pahkepiihikanik 12.

Kiishicikewin ekwa ashitinikewin natawentamoowinan

12(1) kihci-okimaa oka-pakitinaan okimaanaak kaa-natawentaakwak anohkiiwi-

onacikewin onashowewinik ehta ishkwaayaac

(a) kahkina anishinaabek ikweniwak kaa-natotamaawaac ahkiiwi-onacikewinik kichi-okimaanaak ta-oci-kwayaatinikaate ci-masinahikaatek tawinamaakewinik; ekwa

(b) kihci-okimaa otawinamawaan anishinaaben ikweniwak kaa-aapacihtoowaac ahkiini ahkiiwi-onacikewinik ci-naakatawentaawaac ihiwenini ahkiik anohkiiwi-onacikewinik.

Kishihtamaakewin anohkiiwi-onacikewinik

12(2) kihci-okimaanaak onashowewin kaa-inahtek, ta-oci-kiishicikaate natotamaawin anohkiiwi-onacikewinik ekwa kaye mayaam ci-wiitcikaatek maacihtaawin.

Kahkina onahtamaakewinan ci-ashitakitekin

13(1) ahpii maatanohkaatek anohkiiwi-onacikewin, ineniwan onatamaakewinan kaa-ishi-onatekin ahkiinaak ke-inaapatakin ihimaa anohkiiwi-onacikewinik kehcinaac ci-ashitakicikaatekin.

Ke-ishi-maatanohkaatek kiishi-onacikewin

13(2) kiishi-onacikewin anohkiiwi-pimootamaakewinkaawi natawentaakwasinon aaniin piko kaa-ishinaakwak ishiicikewinan kaa-ashicihsekin onacikewinik. Shaakooc tahsh oshki-maatanohkiiwinikaan naanta piko kaye kotakiyan ishiicikewin kaa-ashicihsek onacikewinik kehcinaac nahshine ci-anohkaatek.

Inaakoniikewinan ci-onahtekin

14(1) kihci-okimaawi-onashowewinik oka-onahtoonan inaakonikewinan onahtamaakewinik ashic ineniwan inaakonikewinan

(a) tawinamaakewin ahkiik kaye aapacitaawinan ahkiinaak onahtamaakewinik;

(b) kaa-ishi-naakatawentaakwak ahki kaye aapacitaawinan kaa-ishi-onahtek ahki;

(c) kaa-ishi-naakatawentaakwak ahki anohkiiwinik, naanta kaye keko toohkaan anohkiiwin kaa-onacikaatek onatamaakewinik;

(d) kaa-ishi-pimi-anohkaatekin inacikewinan kaa-maamawi-anohkaacikewinik ahkiik kaye aapacihtaawinan ahkiiwi-onacikewinik miina ahkiiwi-onahtamaakewinik;

Inahcikewinan kaa-ishi-onahtekin inaakonikewinik

14(2) ahpii inaakonikewinan kaa-onhtekin onacikewinik pahkepiihikewinik (1), aaniin piko inacikewin kotakiyan ineniwan kaa-takwakin naanta kaye kaa-aapatakin ahkiinaak onacikewinik ta-ishi-onacikaatewan inaakonikewinik.

Kihkentaakocikewin

14(3) kehcinaac 90 tahso-kiishikaak mwaye-kiishicikaatek inaakonikewin kaa-ishi-onahtek pahkepiihikanik (1), kihci-okimaa oka-pakitinaan kaa-masinahikaatek kihkentmooniwewin ihiwe natotamaawin inaakonikewinik ci-naapi-kanwaapacikaatek.

Inentamoowinan

14(4) mekwaac 60 kiishikaan ishkwa-pakitinikaatek kihkentaakocikewin kaa-inahtek pahkepiihikewinik (3), aaniin piko awiya oka-kii-masinahaan kihkentaakocikewin ci-waapatahaac kihci-okimaan natotamaawi-inaakonikewin.

Kaa-natawentaakwak ci-natonikaatek wawenacikewin

14(5) mwaye-onahtek inaakonikewin kaa-ishi-onahtek pahkepiihikanik (1) kihci-okimaa oka-tawinamawaan anishinaaben kaa-aapacihtoowaac ahkiini onataminahoniwaak ci-naakatawentaakwak miina ci-ayaminotek natawentamoonik inaakonikewin.

## WAWENACIKEWIN ONACIKEWINIK

Awanen ke-kii-natotamaac wawenacikewinan

15(1) maamiinwacikewin onacikewinik ikweniwak ta-kii-natotamaawak

(a) otonacikek kaa-onashowaatomowaac;

(b) anishinaabek ta-kii-natotamaawak kaa-ishi-onahtek ahki; naanta kaye

(c) kici-okimaa

Kaa-natawentaakwak wawenacikewinan

15(2) kihci-okimaa oka-niikaaniitaan otonashowetamaakek, anishinaabenaak kaa-natawentaakwak wawenacikewin onacikewinik ci-maawacihitonaaniwak nanta kaye ci-maamiinwacikaaniwak kaa-ishi-natawentak kihci-okimaa ihiwe kaa-ishi-ashichisek wawenacikewin.

Kihkentaakocikewin

15(3) kehcinaac 90 tahso-kiishikaak mwaye-onahtek onacikewin pahkepiihikanik 16 kwayakwacikaate kaa-natawentaakwak wawenacikewin onacikewinik, kihci-okimaa oka-tawinaan kihkentaakocikewin ta-masinahikaate ci-waapacikaatek.

Inentamoowinan

15(4) mekwaac 60 kiishikaan ishkwa-pakitinikaatek kaa-ishi-onahtek pahkepiihikanik (3), piko awiya oka-kii-masinahaan kihci-okimaan ci-wiitamawaac otinetamowin kaa-ishi-natawentaakwak wawenacikewinik.

Kiishicikewin natawentamoowinan

16(1) kihci-okimaa onshowewinik oka-tawinaan kaa-natawentaakwak wawenacikewin anohkiiwi-onacikewinik kiishpin

(a) kahkina anashinaabek ikweniwak kaa-natotamaawaac ahkiiwi-onacikewin kihci-okimaa oka-masinahamawaan ci-kihkentamoonaac e-nahkotak wawenacikewin; ekwa

(b) kihci-okimaa otawinamawaan anishinaaben ikweniwan kaa-aapacitoonic ahkiini ihimaa ahkiiwi-onacikewinik ci-naakatawentaminic kaye ci-animootaminic wawenacikewinik.

Ahpíi ekaa kaa-natawentaakwak kiishihtamaakewin anishinaabenaak  
16(2) kaa-inahtek kihkinawaatasinahikan (1)(a), kihci-okimaa onashowewinik  
oka-tawinaan kaa-natawentaakwak wawenacikewin ahkiiwi-onacikewin kaawin  
taatakaac ci-masinahikewi-waapatahiwewin kiishicikewin anishinaabenaak amihiwe  
kaa-inahtek kihkinawaatasinahikanik kiishpin

(a) anishinaabenaak kaa-oci-natawentaakwak ahkiiwi-onacikewin amii tahsh ihi

(i) kihci-okimaa oka-masinahaan ci-wiitak ekaa ci-aapatak wawenacikewin; naanta kaye

(ii) ekaa masinahikaatek kihkentaakocikewin wawenacikewinik kihci-okimaanaak  
mekwaac 90 kiishikaan ishkwa-otisikoc masinahikan kihci-okimaanaak oci  
kaa-natawentaakwak ci-kiishihcikaatek wawenacikewin; ekwa

(b) kihci-okimaanaak onashowewinik oci-kwayakonikaate wawenacikewin e-minohsek  
ci-kii-piminishahikaatek.

Wawenacikewinik inaakonikewin

16(3) kihci-okimaanaak onashowewinik ta-oci-wawenacikaate inaakonikewin kaa-ishi-  
onahtek pahkepiihikanik 14(1) ci-inacikaatek wawenacikewin anohkiiwi-onacikewinik.

#### AAPACIHCIKANAN ANOHKIIWI-ONACIKEWINIK OTAPIITAMAAKEK

Nahkomitowinan aapacihcikanan anohkiiwi-onacikewinik otapiitamaakek

17(1) kihci-okimaa, okimaanaak oci, oka-onahtoonaawaa nahkomitowin anishinaabenaak  
ci-oshitoowaac aapacihcikani-onacikewin otapiitamaakek ihimaa mayaam kaa-inahtek  
aapacihcikani-onacikewinik.

Kotakiyak kaa-wiicihtoowaac nahkomitowin

17(2) aaniin piko ahawe kotak awiya kaa-wiicihiwec nahkomitoowinik kaa-ishi-onahtek  
pahkepiihikanik(1).

Wiitamaakewin otapiitamaakek oci aapacihcikan anohkiiwi-onacikewinik

17(3) aapacihcikan anohkiiwi-onacikewinik otapiitamaakek ta-wiitamaakewak ekwa  
ta-ashotamaakewak ke-inaapatak ahkiiwi-aapacihcikanan onacikewinik anohkiiwi-  
ishihsewinan kaa-onahtekin nahkomitowinik kaa-inahtek pahkepiihikanik (1).

Otapiitamaakek oka-kii-anohkaataanaawaa onacikewi-onashowewin

17(4) kiishpin onacikewinik ishi-mihkikaatek aapacihcikewi-onacikewinik kaa-inahtek  
pahkepiihikanik (1) otapiitamaakek ta-ociitamaakewak aapacihcikewi-onacikewin  
wiinawaa tahsh kahkina kekoonan oka-kanwaapimikonaawaa ke-inasowaatek ihiwe  
anohkiiwi-onacikewin. Amii tahsh ihiwe, otapiitamaakek oka-onashowaataanaawaa  
ke-ishi-pimootowaac oneniwan papaamisowinan.

## KAA-NIIKAANENTAAKWAKIN TIPENCIKEWINAN

Kaa-onacikaatekin kaa-niikaanentaakwakin tipencikewinan

18(1) kihci-okimaanaak onashowewinik oka-onahtoonawaa ahkiini inakonikewinik Waapanok inehke kaa-takwahk ahkiiwi-onacikewin ihiwe kaanakatawentaakwak tipencikewin amihimaa ke-oci-kanawentaakwak anohkiiwi-onacikewinan kaye kotakiyan kaa-onahtekin ishiicikewinan.

Inakonikewinan kaa-kanawentaakwak tipencikewin

18(2) kihci-okimaa onashowewinik oka-onahtoonan inakonikewinan

(a) kaa-ishi-tawak nihtaawikicikewin, kanawencikewin, miciminikewin ekwa ahkiiwi-onacikewin kaye aapacihcikewinan kaa-ishi-kanwentaakwak tipencikewin;

(b) pakitashowaacikewinik, inakonikewinik naanta ekaa kaa-tawinikaatek ci-aapatak ishikewin ihimaa kaa-ishi-kawentaakwak tipencikewin;

(c) kaa-ishi-kanawentaakwak naakacihcikewinik kaa-inaapatak ahki ihimaa kaa-ishi-naakatawentaakwak tipencikewin;

(d) kaa-ishi-kanawentaakwak naakacihcikewinik kaa-inaapatak anohkiiwi-onacikewinik naanta kaye kaa-ishi-naakwak anohkiicikewin ihimaa kaa-ishi-kanawentaakwak ahki;

(e) kaa-kanawentaakwak ashkihki, nipi, nihtaawikicikewin, awiyaashihshak, moonahishooniyaawewin, manaatikwewinan, kaa-ahpiihaak nootin kaye otahkaanesiwin, kayaash inaapacihcikanan ihimaa kaa-ishi-naakatawentaakwak tipencikewin;

(f) kaa-kanawentaakwak kaa-oci-aapatak ihimaa kaa-ishi-naakatawentaakwak ahki;

Inakonikewin mayaam ci-naapihsek onacikewinik

18(3) kiishpin kaa-kanawentaakwak ahkiiwi-tipencikewin ashicihsek kaa-ishi-naakatawentaakwak ahki, piko inakonikewin ihiwe kaa-onahtek pahkepiihikewinik

(2) kaa-ashicihsek ahkiiwi-onacikewinik ta-piminishahikaate mayaam peshikwan inakonikewinik

(a) anohkiiwi-onacikewin kaa-ishi-onahtek ahki: ekwa

(b) piko ihiwe inakonikewin kaa-inahtek pahkepiihikanik 7(1) naanta kaye 14(1).

Ke-ishi-kishipihsek tipaanacikewin

18(4) inakonikewin ahkiiwi-tipaanacikewinik ihimaa kaa-ishi-kanawentaakwak ahkiiwi-tipencikewin ta-kwayaatinikaate ci-aapatak tipaanacikewin ahpii onahtek ke-ishi-maacii-anohkiicikaatek .

kihkentaakocikewin

19(1) kehcinaac 90 kiishikaan mwaye-tipaanacikaatek ahki kaa-ishi-kanawentaakwak tipencikewin kihci-okimaa oka-kihkentaakohtoon

(a) ahkiiwi-pikisacikewin kaa-ishi-kanawentaakwak tipencikewin; ekwa

(b) masinahikan ta-onasinahikaate inakonikewinik ihmaa pakepiihikanik 18(2) kaa-ishi-kanawentaakwak tipencikewinik ta-tawinikaate ci-waapatahiwaaniwak.

Inentamoonan

19(2) mekwaac 60 tahso-kiishikaak ahpii ishkwaa- pakitinikaatek kihkentakocikewin kaa-ishi-pakepiihikaatek (1) piko awiya oka-kii-masinahamawaan kihci-okimaan kaa-ishi-kanawentaakwak tipencikewin naanta inakonikewinik kaa-ishi-onahtek paminikewinik.

Kaa-natawentaakwak maamiinwacikewin

19(3) e-mwaye-tipaanahtek kaa-kanawentaakwak tipencikewin, kihci-okimaa kehcinaac ta-natawentakosi ci-tootak

(a) oka-tawinamawaan anishinaaben kaa-aapacihtoonik ahkiini kaa-ishi-kanawentaakwak tipencikewin ci-naakatawentaminic kaa-kanawentaakwak ahkiini inakonikewinik.

(b) oka-tawinamawaan kaa-aapacihtoonik ahkiini kaye aapacihcikanan ahkiinaak kaa-ishi-kanawentaakwak tipencikewin ci-naakatawentamowaac miina ci-aanimootamowaac kanawentaakwak ahkiini kaye inakonikewin kaa-ishi-anohkiicikaatek tipencikewinik.

Kihkentaakocikewin ekwa maamiinwacikewin

kaa-natawentaakwakin wawenacikewin

19(4) ohowe pahkaanacikewin ishi-onahte, ci-oci-aatacikaatekin wawenacikewinan inakonikewinik kaa-onahtek pahkaanacikewinik 18.

TIPAANACIKWIN 4

KOTAKIYAN KEKOONAN ONACIKEWINAN

Piitikepiihotisowin

20 kihci-okimaa oka-naakacihtoon masihotisowin, ihiwe ci-aapatak ishkotewiyaap kaa-oci-naapaapihkehsik

(a) kaa-masinahikaatek kaa-natawentaakwak anohkiiwi-onacikewin naata kaye ihiwe kaa-natawentaakwak wawenacikewin ihimaa kaa-ishi-onacikaaniwak;

(b) kaa-masinahikaatek kaa-natawentaakwak inakonikewin kaa-inahtek 7(1), 14(1), naanta ihimaa 18(2); ekwa

(c) kotak wiitamaakewin kihci-okimaa ta-oci-waa-wiitamaake niikaaaniwinik.

Mamaaniwinan kaa-oci-oshohomaakahkin inakonikewinik

21(1) inakonikewin kaa-kii-onahtek pahkepiihikanik 7(1), 14(1), 18(2) ta-kii-ishi-onacikaatewan aapacihcikanan ihiwe inakonikewin mamaaniwinik ohomaa

onashowaacikewinik.

Tipahikewinan

21(2) awiya kaa-wani-tootak kaa-ishi-onahtek inakonikewin ta-mishoho mamaaniwinik ekwa wiin oka-kanawaapamikon.

(a) awiya kaa-ishi-peshikot, \$5,000 ta-inakitamawaakanoo naanta kaye ta-takonaakanoo naanta niisho-pihsim;

(b) ekwa wiin ihiwe anohkiiwinik, amihiwe ke-inakitamawaakanoo \$25,000.

Onakitamaakewin

22 Ohowe inashowewin miciminikemakan inakitamaakewinik.

Kaa-inahtekin inakonikewinan

23 ahpii kaa-onahtek inakonikewin ihimaa kaa-ishi-kihkinasinahikaatek 7(1), 14(1), 18(2) oci-naakatawentaakwanoon ishihsewinan kaye kotak tootamowin, inakonikewin onashowewinik kaa-oci-onahtek ashichise kaa-ishi-miciminikemakak kotak tootamowin.

Kaa-takwakin tipenimitisoonan

kaawin kaacihsehsoonon

24 inakonikewin kaa-kii-onahtek pahkepiihikanik 7(1), 14(1), 18(2) kaawin kaacihsehsoonon tipenimitisoonon ahawe awiya kaa-ishi-piitikehsek inashowewinik kaa-mwaye-maatanohkiicikaatek inakonikewin

(a) ci-aapatak ahki kaye aapacihckanan ihimaa kaa-ishi-kanawentaakwak ahkiiwi-tipencikewinik; naanta

(b) ci-niikaaniicikaatek anohkiiwi-onacikewinik kaa-ishi-kanawentaakwak ahki kaye ihiwe aaniin piko tipenimitisoonon kaa-wii-aatacikaatek ishihsewin onashowewinik.

Onacikewin tawihsin maamawihsewinik

25(1) kihci-okimaa kehcinaac ci-tootak

(a) ci-tawinamaakec anohkiiwi-onacikewinik maamawihsewin; ekwa

(b) ci-takwakin masinahikanan anohkiiwi-onacikewin awiya kaa-natawentak ci-miinic pakii ta-inakicikaate.

Kihci-okimaa ci-wawenatooc onacikewin

25(2) kihci-okimaa kehcinaac ci-maamawahtooc wawenacikewin anohkiiwi-onacikewinik.

Inakonikewinan

26 kihci-okimaa onashowewinik oka-onahtoonan inakonikewinan

- (a) kaa-tipaanacikaatek ahki Waapanok inehkekaam wiinipek amihiwe Waapanok inehke anohkiiwi-onacikewinik;
- (b) kaa-natawentaakwak ahkiiwi-onacikewin kaye ineniwan inaakonikewinan wiitamaakewinik ekwa onasinahikan ihiwe kehcinaac ci-pakitinikaatek natotamaawin;
- (c) ci-wiicikaatek kaa-ishi-naakwak kihkentaakocikewin maamawihsewinik kaa-natawentaakwak kaa-ishi-masinahikaatek onashowewinik ci-miikwaaniwak;
- (d) kaa-ishi-naakatawentaakwak anohkiiwin onacikewi-oshowewinik;
- (e) kaa-ishi-naakatawentaakwak kaa-ishi-onahtek anohkiiwi-onacikewinan;
- (f) kaa-ishi-naakatawentaakwak kaa-ishi-onahtek wawenacikewin anohkiiwi-onacikewinik kaa-ishi-pakitinikaatek;
- (g) kaa-ishi-naakatawentaakwak aaniin piko ihiwe ishihsewin kihci-okimaanaak onashowewinik kaa-maamitonentaakwak maamiinwacikewin kaa-ishi-pimi-anohkaatek onashowewinik.

**Kaa-inahtekin inaakonikewinan**

27(1) inaakonikewin kaa-inahtek onashowewin kahkina misiwe ta-ishi-aapatanoon kaa-ishi-naakatawentaakwak ahkiiwi-onacikewinik naanta piko ehta paapahkwehik.

**Kaa-aapatakin ahkiiwi-masinahikanan**

27(2) ahki ihiwe kaa-onacikaatek piko piko ci-inaapatak kaa-inahtek inaakonikewin onashowewinik amihiwe kaa-ishi-kihkinawaacipiihikaatek kaa-ishi-onacikaatek tipahakaan inaakonikewinik.

**C.C.S.M. kaa-ishi-kanwaapacikaatek**

28 ohowe onashowewin ta-ishi-akwakite piskitasinahikanik E3 kiyaapic awashime maamawacikewin kaa-ishi-onakitek Manitoba.

**Maatanohkiicikewin**

29 ohowe onashowewin maatanohkiimakan ihiwe kiishikaak kaa-otihsokoc kihci-okimaahkwe otashotamaakewinik.

**Kihci-okimaahkwe omasinahikan kaa-inahtek ahki Manitoba**